

# Nipisanniarneq pillugu Namminersorlutik Oqartussat nalunaarutaat

Inatsisartut inatsisaat nr. 12, 3. december 2012-imeersoq aqqutigalugu kingullermik allanngortinneqartumi Aalisarneq pillugu Inatsisartut inatsisaanni nr. 18, 31. oktober 1996-imeer-sumi § 10 a, § 13, imm. 2, § 23, imm. 1, § 33, imm. 2, aamma § 34, imm. 3 naapertorlugin aalajangersarneqarput:

## *Atuuffia*

**§ 1.** Nalunaarummi pineqarpoq tunngaviusumik killeqarfip avataani milit 3-t akornanniittumi imaani Kalaallit Nunaata aalisarnikkut oqartussaaffigisaani nipisanniarneq.

## *Nassuaatit*

**§ 2.** Nalunaarummi matumani Kalaallit Nunaata imartaq aalisarnikkut oqartussaaffigisaas tassaavoq Kalaallit Nunaanni aalisarnikkut oqartussaaffigisassaq pillugu kunngip peqqussineratigut Statsministeriaqarfip nalunaarutaani aalajangersagaasoq.

**§ 3.** Nalunaarummi matumani inuussutissarsiutigalugu aalisarneq pisat tamarmiusut taakkualuunniit ilaasa tunineqarnissaat siunertaralugu aalisarnertut paasineqassaaq.

**§ 4.** Nalunaarummi matumani inuussutissarsiutiginagu aalisarneq nammineq pisat atornissaat siunertaralugu aalisarnertut paasineqassaaq.

## *Inuussutissarsiutigalugu nipisanniarneq nammineq pisat atornissaat*

**§ 5.** Inuussutissarsiutigalugu nipisanniarneq nammineq pisat atornissaat Aalisarnermut, Piniarnermut Nunalerinermullu Naalakkersuisoqarfimmut qinnuteqaateqarnikkut tunniunneqassaaq.

**§ 6.** Aalisarsinnaanermut akuersissutit sivisunerpaaamik ukiunut marlunnut atuuttussanngorlugin tunniunneqartarput.

*Imm. 2. Akuersissutit aalajangersakkut makku imarisinnaavai, qassutit qassit akuersissummi ataatsimi atorneqarsinnaanerat, sumiiffimmi sorlermi aalisartoqarsinnaanersoq aamma aalisarfinni ataasiakkaani piffissap qanoq ilinerani aalisartoqarsinnaanersoq.*

**§ 7.** Piffissaq 16. juli - 28. februar inuussutissarsiutigalugu nipisanniarneq nammineq pisat atornissaat.

## *Pisassat annertussusissaat aamma ullut qassit annerpaamik aalisartoqaaqqusaanersoq.*

**§ 8.** Inuussutissarsiutigalugu nipisanniarneq pisassiissutinik tunngaveqartumik aamma ullunik aalisarfissanik tunngaveqartumik ingerlanneqassaaq, tassa ukiunut ataasiakkaanut ullut aalisarfissat amerlassusissaat pisassiissutillu aalisarnermik ingerlatsinissaq pillugu pilersaarut Naalakkersuisut akuerisaat naapertorlugu aalajangersarneqartarmata.

**§ 9.** NAFO-p suliassaqarfinit ataasiakkaanut tunngatillugu inuussutissarsiutigalugu nipi sanniarnissaq qaqgukkut aallartinneqassanersoq qaqgukkullu unitsinnejassanersoq najukkami tunitsivii aalisartullu kattuffisa sinniisuititaasa isumaqatigiissuteqarfifissavaat.

*Imm. 2. Imm. 1 malillugu isumaqatigiissutigineqartut NAFO-p suliassaqarfiani kingusinnerpaamik sapaatip akunnera ataaseq sioqqullugu nipi sanniarnissap aallartinnginnerani Aalisarnermut, Piniarnermut Nunalerinerimullu Naalakkersuisoqarfimmut nalunaarutigineqassapput.*

*Imm. 3. Piffissap aalajangersimasup § 9, imm. 1 naapertorlugu aalajangersarneqartup avataatigut inuussutissarsiutigalugu nipi sanniarneq inerteqqutaavoq.*

**§ 10.** Ullut aalisarfissat amerlanerpaaffissaattut akuerisat NAFO-llu suliassaqarfiniti ataasiakkaani pisassatut akuerisat 85 %-ii pillugit nalunaarutit tusagassiorfit aqqutigalugit aamma Namminersorlutik Oqartussat nittartagaat aqqutigalugu nalunaarutigineqassapput. Pisassattaq tamarmik pisarineqarnerat nalunaarutigineqartassaaq.

*Imm. 2. Piffissarititap § 6, imm. 1-im i oqaatigineqartup ingerlanerani allannguisoqarsinnaavoq, tak. aalisarneq pillugu Inatsisartut inatsisaanni § 10.*

#### *Nipisanniarnermi atortut*

**§ 11.** Nigartat angissusissaat atortullu nalunaaqutsernissaat eqqarsaatigalugit Piujuartitsineq siunertaralugu aalisarnerup teknikkut iluarsartuussivigineqarnera pillugu Namminersorlutik Oqartussat nalunaarutaanni § 7, imm. 7-im aamma § 17-im aalajangersakkat atorneqassapput.

**§ 12.** Aalisarneq unitsinnejarpas aalisartoq pisussaavoq nammimeq atortuminik pissutissaqanngitsumik uninnganngikkaluarluni piiyanissamut.

#### *Nalunaarutiginninneq*

**§ 13.** Nalunaarut manna naapertorlugu akuersissutaillit, Sinerissamut qanittumi aalisarnermit pisanik nalunaarutiginnittarneq pillugu Namminersorlutik Oqartussat nalunaarutaat nr. 15, 22. december 2011-meersumi § 3 aamma § 4 naapertorlugit nalunaaruteqartussaapput.

#### *Inuussutissarsiutigalugu nipi sanniarnerup unitsinnejarnera*

**§ 14.** Ullut aalisarfissat pisassallu naammatsippata § 8 eqqarsaatiginagu nipi sanniarneq ingerlaannaq unitsinnejassaaq.

#### *Inuussutissarsiutiginagu nipi sanniarneq*

**§ 15.** Nammimeq atugassatut nipi sanniarneq danskit naalagaaffianni innuttaasunut Kalaallit Nunaanni najugaqvissunut tamanut atuuppoq. Nunani allani innuttaassuseqartut Danmarkimeersuunngitsut Kalaallit Nunaanni najugaqvissut aammalu ukiuni marlunni ataannartumik najugaqareersut danskit naalagaaffianni innuttaassuseqartunut naligitinneqassapput.

*Imm. 2. Inuussutissarsiutiginagu nipi sanniarnermut atatillugu annerpaamik qassutit marluk atorneqassapput.*

#### *Pineqaatissiissutit*

**§ 16.** § 5-imik, § 6, imm. 2-mik, § 7-imik, § 9, imm. 3-mik, § 11-mik, § 12-imik, § 13-imik, § 14-imik aamma § 15, imm. 2-mik unioqqutitsinerit akiliisitsinermik kinguneqarsinnaapput.

*Imm. 2. Aktiaateqarluni ingerlatseqatigiiffik, piginneqataassuteqarluni ingerlatseqatigiiffik, piginneqatigiiffik imaluunniit piginneqatigiilluni umiarsuaatileqatigiiffik unioqqutitsisuuppat, ingerlatseqatigiiffik immini akiliisussanngortinnejarsinnaavoq.*

*Imm. 3. Pinerluttulerinermi inatsimmi arsaarinnittarneq pillugu malittarisassat taamatuttaaq atorneqarsinnaapput.*

#### *Atuutilersitsineq*

**§ 17.** Nalunaarut ulloq 1. juni 2014 atuutilerpoq.

*Imm. 2. Ilutigalugu Nipisanniarneq pillugu Namminersornerullutik Oqartussat nalunaarutaat nr. 13, 13. maj 2005-imeersoq atorunnaarsinneqarpooq.*

*Imm. 3. Ingerlatseqatigiiffit inuillu nalunaarummi matumani pineqartut § 5-imi piumasqaatit naammassisimassavaat kingusinnerpaamik ulloq 1. januar 2015.*

*Namminersorlutik Oqartussat, ulloq 20. maj 2014*

Finn Karlsen

/

Jørgen Isak Olsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

